

田家占候集覽

予家世務農 先大父於讀書之暇深喜占候嘗輯俗
諺之可信者都為一冊題其端曰田家言時予方垂髫
每隨侍杖履熟聞其說及避亂徙壘書已逸去因采各
書中占驗之言分注於曆日之下積久彌遂以成編並
附錄調攝服食諸法分為十卷以成 先大父未竟之
志語云官出於民民出於土深知稼穡之艱難者其亦
有取於斯書也夫光緒三年陽月上澣海甯郡存陰儂
望甫自識於省垣勤菴之南牕

田家占候集覽目錄

卷一

日

月

星

斗

風

雲

霞

氣

虹

雷

電

雨

雪

雹

霜

霧

寒燠

山

水

火

花木

草

菌

禽

獸

鱗介

蛇蟲

干支

二十八宿

分占

補遺

卷二

春

正月

立春

雨水

朔至晦

卷三

目錄

卷八	秋	七月	立秋	處暑	朔至晦
卷七	六月	小暑	三伏	朔至晦	
卷六	五月	芒種	夏至	朔至晦	
卷五	四月	立夏	小滿	朔至晦	
卷四	三月	驚蟄	春分	春社	朔至晦
卷三	二月	寒食	清明	穀雨	朔至晦

八月

白露

秋分

秋社

朔至晦

九月

寒露

霜降

朔至晦

卷九

冬

十月

立冬

小雪

朔至晦

十一月

冬至

朔至晦

卷十

十二月

朔至晦

土王用事

閏月

田家占候集覽卷一

海甯鄒存淦儂筌編輯

日

太陽未出時晨時看日邊黑雲如旗幟如山峰如陣鳥
如龍頭如魚如蛇如靈芝如牡丹主當日下午雨或日
上下有紫黑雲貫穿者應上午即雨陶朱公書
日初升有黑雲在上下如飛鳥花辦狀本日申未時有

雨測海錄

安居日日暈多成風雨祥異賦

暈黑則穀傷大水暈青則糴貴多風暈赤則暑雨霹靂
暈黃則風雨時農田治數見之大安同上

卷一總占

觀象玩占日有赤暈兩重主旱又曰赤暈再重其地旱
蝗多盜黃暈再重歲災兵起青暈再重穀貴時久旱薄
筆贊

日暈兩重相向天下大風

宋志

暈兩珥有雲貫之其分多疾

同上

早聞日珥狂風即起申後日珥明日有雨午前日暈風

起北方午後日暈風勢愈狂早白暮赤飛沙赤石日沒

暗紅無雨無風返照黃光明日風狂

測海錄

日出生紅雲日沒黑雲接有大風雨

同上

日生耳諺云南耳晴北耳雨日生雙耳斷風雨若長而

下垂通地名白日幢主久晴

日行失度出陽道多旱風出陰道多陰雨

日下黑氣如覆船立雨

日始出及欲入黑雲貫之不出三日有暴雨宋志

常以戊申日候日入時日上有冠雲不問大小黑者雨

大青者雨小書相雨

日出早雨淋腦日出晏晒殺雁田家五行

烏雲接日明朝不如今日同上

諺云今夜日沒烏雲洞明朝晒得背皮痛

又云日沒返照晒得猫兒叫

日沒胭脂紅無雨也有風農政全書

日落胭脂紅無雨亦有風日落雲裏走雨在半夜後

卷一總占

二

朝日出光點淡色蒼白者雨徵也日出時雲多破漏日光
散射者雨徵也密雲四佈牛羊斂草如常者不雨若
啖食匆遽如求速飽雨徵也蠅蚋蚊蚤匆遽啣食穴處
之虫羣出於外雨徵也日暈白主晴赤主風黑如鉛者
雨徵也

月

月順軌道繇乎天街行于中道人主益壽民和歲豐天
下安甯出陽道則旱風陰道則陰雨

君道福昌則有黃芒或紫氣

國有喜則正月有偃月

宋志

政太平則月圓而多暉政升平則月清而明

月若變青為飢赤為旱黑為水黃為喜為德皆以其宿分占之

月望而月中蟾蜍不見者其分大水民流

月赤則天將旱

隋書

月有圓光大如車輪者來日大風或三日後應之

陶朱公書

大風將至月暈重圓

祥異

月暈七日內有風雨

宋志

終歲無暈天下偃兵

同上

月旁有兩珥十日有雨水

同上

暈而珥時歲平康

祥異

暈歲星則主病糴貴暈辰星則其下多水

同上

月犯木則其分飢荒民流月凌木則多盜賊水食月則

大水橫流志

月暈有風看何方有缺風從缺處來

月暈上難盪漿月暈落好杆箇樂清

月珥且戴不出百日主有大喜荆志

月光生毛大水推農占候

新月落北主年荒米貴諺云月照後壁人食狗食田家

新月下有雲橫截主來日雨諺云初三月下有橫雲初

四日裏雨翻盆

月如鉤米價貴月如衡米價平天文

雲如人頭在月傍白風黑雨祥異

賦

秘苑

諺云月如懸弓少雨多風月如仰瓦不求自下

初三月下有橫雲初四暗盤有月交二十五日有雨則

主久雨

吳下田家志

畢星雨師月離之則雨但離于陰則雨離于陽則不雨

二如李群芳譜

星

璇璣中星調則風雨時

考靈曜

攝提東向天下無事招搖光澤天下安甯天市明則糴

賤

荆州紀

星光閃爍不定主來日風星明滅不動主雨夏月星滅

密

來日熱

星墜主大風

星自東流向西來日有雨北流向東連日雨不斷北流
向南主來日陰而無雨西流向東主二日內有風西流
向北來日風雨大作南流向東主旱北流向西水淹田
木南流向北主霧東流向南主來日火西流向南當年
水旱災傷南流向西秋霜冬雪東流向北七日內有人
報盜賊星春墜歲不登秋墜大水

星碎碎撒火而行當年蝗蟲生

星大而帶黑暈行人民災厄

星昏而行江河泛漲

黑星如火國有大災

書梁

諺云一個星保夜晴言久雨天陰晚間但見一兩個星
此夜必晴又云明星照爛地來朝依舊雨言久雨正當
黃昏卒然雲開見星豈但明日有雨當夜亦未必晴若
夜半後雲開雨止星月朗然則又主晴無疑

月離于箕則風揚沙

春秋
緯

月在箕畢軫翼起火之日也

子孫

熒惑火星也火星守天河及天河中星象稀少皆主旱
辰星水星也漢伯即天河乃天之餘氣也水星守天河
及天河中星象煩多皆主雨

陶朱
公書

斗

黃昏時看北斗上雲氣之有無如烏雲徧掩北斗主三

日有雨斗間或一二星被雲遮蔽主五日內有雨如斗中黑雲低而廣厚主當時有雨

陶朱公書

斗中有赤雲氣主旱諺云赤雲蔽斗明日大熱如黃雲昏黑蔽斗亦主多風之象

同上

白雲遮北斗明日天變應未申時斗下有白雲氣皓色如水明日大風斗上下有雲如飛絮止有大風斗中有雲如魚鱗明日變風雲斗下黑雲湧上者當夜風雨至如斗口有紫色黑氣三日後有雷雨青色應木日赤色應火日黃色應土日白色應金日黑色應水日雲氣與霞彩亦同驗斗下有電閃通斗及斗口者當夜有雨若閃不通斗應在明日黃雲貫斗亦主來日大雨白雲氣

不過三日內黑雲貫斗即日風雨最驗同上

白氣掩北斗並日月廣審者大風惡雨之象每月初一

日看北斗間有白氣潤澤主本月多風雨每月交節氣

日早晨有丹霞之氣主節內風雨順時同上

夜占北斗若有雲氣蒼潤如魚龍鱗狀主當日大雨又

北斗前方四星名魁有黑雲掩於斗口主當夜雨北斗

後斜三星名杓第七星曰天罡星前黃氣明潤主來

日雨同上

斗旁有氣往往而黑狀如禽獸大如皮席不出三日必

雨天大要集

北斗中有雲後五日雨

風

夏秋之交大風及有海砂雲起俗謂之風潮古名颶風
言其四方之風也有此風必有大雨甚則拔木偃禾壞
房屋決堤堰其先必有如斷虹之狀者見名曰颶母又
名破帆風

風單日起者單日止雙日起者雙日止日裏起者善夜
間起者毒日內息者和冬月夜半息者必大凍

暴風不終日

凡風終日至晚必稍息諺云狂風不終朝凡夜間大風
日出之時必畧靜謂之風讓日諺云日出三竿不急便
寬

諺云西南轉西北搓繩來鮮屋半夜五更西天明拔樹
枝日晚風和明朝再多

南風愈吹愈急北風初起便大諺云南風尾北風頭又
曰西風頭南風脚惠蓋西風初起飄發以漸而緩南風初
來甚緩後則漸急而雨隨之

早起西南風至晚必靜諺云西南早日沒不動準接近
日西南風略急便作雨每晚轉東南必晴諺云朝西暮
東正旱天公

不拘四時暴風起西方主秋早霜

風從月建方來萬物得所晴雨得宜如對方來主米貴
諺云東風急備蓑笠風急雲起愈急必雨

六月西南天皎潔十二月西南天落雪

春西風無雨東則雨夏北風乃雨夏發東風秋間生蟲

雨後東北風主雨多諺云東北風雨太公

夏天北風主雨冬天南風主雪諺云冬南夏北有風便

雨

春風多秋雨必多諺云一場春風對一場秋雨田家五行

雨來虛而隆風多則合速故雨大而疎風少則合遲故

雨細而密董仲舒傳

春已郊風樹頭空夏已郊風禾頭空秋已郊風水裏空

冬已郊風欄裏空

雲

商雲見主明君治世慶雲見主賢人文士豐年之兆
常以二分二至觀雲氣青為蟲白為喪赤為兵荒黑為
水黃為豐年

黃雲覆車五穀大熟

觀雲于子時寅時及各節正時無雲大山雲氣如亂穰

大風將至視其從來避之

隋書

雲掩日不動天色黃復赤皆主大風

測海錄

暴有黑雲氣如船發于日下當即雨

京房易飛候

雲籠日雨不止

田家五行

五郊日候西北有雲如群羊者雨至矣

占師曠

四方無雲惟天河中有雲相連如浴豕三日必大雨夜

半天漢有黑氣相連俗為黑猪渡河雨候也述異
六甲日四方雲皆合者即雨

雲行東南雨無蹤車馬通雲行西馬濺泥水沒犁雲行南

雨潺潺水漲潭雲行北雨便足好晒穀農政全書

雲往東一場空雲往西馬濺泥雲往北好晒麥楊升庵經說

雲向南與西行則有雨向北與東行則無雨試之絕驗

農候雜占

雲起自西南必多雨諺云西南陣單過也落三寸起自
東南無雨諺云老翁活了八十八不見東南陣頭發雲
自東北起多風雨風愈急雨愈連綿雲自西北起必黑
如潑墨先大風而後雨終易晴

旱年若見遠處雲生或自西引而東或自東引而西必
主無雨諺云旱年只怕沿江跳

雲起下散四野滿目如煙如霧名風花主大風立至諺
云雲似砲車雲沒雨定有風

諺云魚鱗天不雨也風顛

老鯉斑雲障晒殺老和尚

陰天卜晴諺云朝看頂穿暮要四腳懸又云朝看東南

晚看西北西北但晴無雨諺云西北赤好晒麥

日落時西北方雲起重疊數十層如層巒複嶂各各矗

起主大風大水應在七日之內暈主雨重亦然

測海錄

躍魚雲遊疾者雨

卷一總占

九

霞

霞五色明彩月內天恩詔赦如鋪錦國中命相如長練
人民安康

霞光明四方不開年內出忠臣孝子五彩明圓如車輪
年內出名臣賢子五彩狀如虎豹年內出大武臣接聯
不斷如尺錦年內其地生貴子寸寸斷絕光艷年內其
地生貴女五彩不全月內其地生貴女農桑要覽
朝霞不出門暮霞行千里范石湖詩

朝霞暮雨晚霞晴農占候

朝霞紅丟丟晌午雨濶濶晚了紅丟丟早晨大日頭楊升

廣古今諺

朝霞暮霞無水煎茶主旱
暮霞有光熾形而乾紅者非但主晴必主久旱朝霞雨
後乍有定雨無疑若晴天隔夜原無朝來忽有則當看
顏色斷之乾紅主晴間有褐色主雨若西方有浮雲稍
厚雨當立至霞如墨洒來日午時大雨霞如牛卧來日
辰時大雨霞如蛇狀主人民饑饉

氣

赤氣覆日如血光者大旱民饑千里如死蛇在日下大
饑疫黑氣如龍在日上風雨之候宋書

青氣如蛇貫日主疫黑主雨同上

天氣蒸溽

溼氣蒸騰望遠氣模糊將有雨

謝厚庵
仰觀錄

天低氣昏游氣迷漫雲氣四塞者雨徵也同上
曉看東方有五色氣如錦過西者當日風雨如雲霧氣
至中天而止者應三日後雨日沒時看五色氣自西而
東者亦然陶朱公書

虹

水虹屈霓也主雨風虹日暈也主風山堂肆政
虹俗名蜺東蜺晴西蜺雨括云東出日頭西出雨南見

刀兵北太平農桑要覽

虹食雨主晴雨食虹主雨同上

諺云對日蜺不到晝主雨言西蜺也若蜺下使雨反主

晴田家雜占

虹掛東一場空虹掛西南瀰瀰

紫霓圍日其疾不割

經太玄

虹下雨垂晴明可期斷虹旱掛有風不怕

測海錄

蜩螗出自東無雨必生風

陶朱公書

正月八月凡有虹見主米麥貴

同上

雷

雷初起其聲格格霹靂者雄雷旱氣也其鳴依依不大
霹靂者雌雷水氣也

雷初發聲微和主季內吉猛烈多凶變

初發聲在辰羅賤震歲稔巽坤主蝗離主旱兌主五金
長價五穀蟲灾人病乾主大旱民灾坎主水荒一云大

吉

雷初發在北方歲吉

雷從金門起止田旱下田熟既廣占一云雷從

雷自夜起必至連陰諺云一夜起雷三日雨

雷聲猛烈者雨難大易過若殷殷然沉瀟卒未得晴郊

前雷主有雨打頭雷主無雨諺云未雨先雷船去步回

先雷後雨其雨小先雨後雷其雨大

雷鳴雪裏主陰雨百日不止

發雷喜甲子日主大熟秋雷忌甲子日主人多死死歲

大凶農桑要覽

無雲而雷饑疫大起

人夢雷主驚恐

電

電在南主久晴在北主便雨諺云南閃半年北閃眼前
北電俗名北閃辰閃主雨立至諺云北閃三夜無雨大怪
異言必有大風雨也田家雜占
電光東南明日炎炎電光西北雨下連宿廣輿記
枕諺南閃火門開北閃雨就來電北來則南風起南風
來則雨測海錄

雨

卒然有雨不久必晴道德經云暴雨不終日
五鼓忽雨日中必晴諺云雨打五更日晒水坑

卷一總占

主

雨着水面上有浮泡主卒未晴諺云一點雨一個釘下到來朝也不晴一點雨似一個泡落到明朝未得了

久雨雲黑忽然明亮主大雨諺云亮一亮下一丈

久雨後若午後少住或可望晴若午前少住午後雨必多諺云雨住午下無數

久雨而暮忽雲綻日出但西望黑雲在日上當晴若在日下則未霽泊宅編

晏雨難晴俗謂之黃昏雨諺云開門風閉門雨

久雨而亭午忽乍晴若有日色俗謂之啟晝是日雨必甚頃中人目為天笑亦以占雨

雨同雪下卒難得晴諺云雨夾雪無休歇

春甲子雨赤地千里夏甲子雨乘船入市秋甲子雨未
頭生耳冬甲子雨牛羊凍死諺云甲子日陰晴六十日
凡占以初甲子

春雨甲子乘船入市夏雨甲子赤地千里秋雨甲子禾

頭生耳冬雨甲子飛雪千里

物理小識

論壬子日春雨人無食夏雨牛無食秋雨魚無食冬雨
鳥無食又云春雨壬子秧爛蠶死

雨下六壬頭低田便可休

一云壬子雨更須看甲寅日若晴謂之拘得過則不妨
一說壬子雨丁丑晴則陰陽相半二日俱晴六十日內
少雨二日俱雨六十日內多雨

田家五行

春雨乙卯夏雨丁卯秋雨辛卯冬雨癸卯皆為不宜此
四日苦雨主多疫

春雨乙卯夏種貴夏雨丁卯秋種貴秋雨辛卯冬種貴

冬雨癸卯春種貴開元占經引

春甲申雨主米貴秋甲申雨稻未吐茅亦主穀貴新道山

驟雨不終朝迅雷不終日又望雨看天光望雪看天黃

月令廣義

凡雷雨作于巳午陰生之後夜半止者草木沾之榮茂
若作于子丑寅卯之時至午而晴者主有災傷

雪

凡雪日間不積謂之羞明霽而不消謂之等伴主再有

雪又是來年多水之兆

五行家

雪至地三日內即化者歲成民安七日不消者秋穀不

成

同上

雪經久日照不消來年多水

農桑要覽

臘雪是被春雪是鬼

冬雪年豐春雪無寶

傳家寶

電

春電吉主豐年夏電小穀秋電未遲熟冬電大臣死

農桑

要覽

遭凍傷穀禮記

當雨不雨故反電下夏電者為蝗蟲傷穀

易緯

卷一總占

占

霜

每年初下只一朝謂之孤霜主來年歉連得兩日以上
主熟上有鋒芒者吉平者凶全農政書
春霜主旱人病冬前霜多早禾好冬裏霜多晚禾好冬
三月無霜蟲不蟄麥惡來年蝗蟲害五穀人灾疫萬物
不成

霧

春霧花香夏霧熱秋霧涼風冬霧雪

大霧三日必有甚雨雨未降不可冒行也

霧三日濃必起狂風

寒燠

冬寒而數日忽暖者雪候也冷而羣鳥飛者亦雪候觀

四野蒸鬱及暴熱主雨

冬雨必暖夏雨必涼西京雜記

山

遠山之色清朗主晴昏暗主雨

小山不出雲者忽然雲起主非常大雨

水

水底生靛青主有風雨諺云水面生青靛天公又作變

農政全書

水底生苔主有暴水諺云水底生青苔卒逢暴水來家田

占雜

水邊經行聞得水有香氣主雨水驟至極驗或聞得水

氣亦然同上

水氣腥立時雨

火

久陰天息燈燈煤如炭紅良久不過明日喜晴諺云火

流星必定晴五行家

久晴後大煤便滅主來日雨同上

竈灰帶溫作塊天將變作雨兆上農政全書

花木

二十四番花信一月兩番陰陽寒暖各隨其時但先期

一日有風雨微寒即是

梁元帝纂要

一月二氣六候自小寒至穀雨凡二十四候每候五日
一花之風信應小寒一候梅花二候山茶三候水仙大
寒一候瑞香二候蘭花三候山礬立春一候迎春二候
櫻桃三候望春雨水一候菜花二候杏花三候李花驚
蟄一候桃花二候棠棣三候薔薇春分一候海棠二候
梨花三候木蘭清明一候桐花二候麥花三候柳花穀
雨一候牡丹二候茶蘼三候楝花迺此則立夏矣花木雜考
杏再花夏有雹李再花秋大霜一作來年
杏多實不蟲本年秋熟秋未善
桐花初生時赤色主旱白色主水

麥花晝開主水

此言南土忽晝麥開花則主水也

槐花開一遍糯米長一遍價

野薔薇開在立夏前主水

藕花開為水花魁開在夏至前主水

梅雨中冬青花開主旱蓋此花不落濕地關係水旱諺云黃梅雨未過冬青花未破冬青花若開黃梅便不來

芒種前豌豆花開主水

鳳仙五月開花主水匾豆花同

杞夏月開結主水

凡竹筍透林者多有水

草

芟草水草也村人刺其小白嘗之甘甜主水蝕氣主旱

頭亭生子沒穀二亭二亭生子旱殺三亭

河內浸成包稻種既沒復浮主有水田家雜占

薺菜先生歲欲甘葶蘆先生歲欲苦藕先生歲欲雨蒺

藜先生歲欲旱蓬先生歲欲荒水藻先生歲欲惡艾先

生歲欲病皆孟春占之農桑衣食撮要

菌

草屋久雨菌生其上可占風雨朝出晴暮出雨

郊蕩內春初雨過菌生俗呼為雷蕈多則主旱小則主

水農政全書

禽

鳩呼婦晴逐婦雨有還聲謂之呼婦無還聲謂之逐婦

鵲巢知風之所在歲多風則巢於下枝

鵲巢依主水高主旱海燕成群來主風雨

諺云鳥肚雨白肚風

鵲群飛翅聲重必有雨雪

朝雀晴暮雀雨

雀旋雀字之誤

鵲鳥仰鳴則晴俯鳴則雨

夏秋間雨陣將至忽有白鷺飛過雨竟不至名曰截雨

焦明

水鳥至為雨候動聲

鵲巢近地其年大雨

吃鷦呼主晴俗謂賣蓑衣

鴉浴風鵲浴雨八哥浴斷風雨

母雞背負雞雛謂之雞駝兒主雨禽經

雞上宿遲陰雨

焚雞羽於空中能致風淮南萬畢術
農人置雉尾於田中天將晴則尾直豎雨則尾下垂和中

獸

獺窟近水主旱登岸主水有驗

江豚見雖極晴亦風

猪來貧狗來富猫來開質庫

犬生獨家富足

狗爬地主陰雨狗吃青草主晴猫吃青草主雨狗向河

邊吃水主水退

鼠咬麥苗主不見收咬稻苗亦然

團膝上野鼠爬沙主大水必到所爬之處乃止

鱗介

魚浮水面主雨

魚躍離水面謂之秤水躍高幾寸增水幾寸

黑鯉魚脊翼長接其尾主旱

朱鯢浮於波上必有大雨

蟹探頭可占晴雨諺云南望晴北望雨

水蛇及白鰻入蝦籠中皆主大風雨一作皆主大風水作

田角小螺名曰鬼螺蜊浮於水面主有風雨

蛇蟲

富貴蛇色黃而青穴人家倉囤下米粟必多倍於前所入

其家大發蛇譜

蚯蚓早出晴暮出雨

久雨之後忽蚯蚓長鳴主晴諺云蚯蚓唱歌有雨不多

蚱蜢蜻蜓黃虫等蟲在小滿以前生者主雨

蜻蜒亂飛主雨

蠓飛磴雨

蜘蛛添絲晴吊水雨

螢入榻主水發

蟻封穴戶大雨將至

天將雨螻蛄蟻徙

春暮暴暖屋木中出飛蟻主風雨平地中蟻陣作亦然

干支

甲子日晴主兩月內多晴雨則久雨妨農尋常極驗值
單日多驗雙日少驗

世俗占候雨晴惟甲子壬子甲申甲寅四日最可憑農

餘話

甲日雨乙日晴乙日雨直到庚田家五行

甲雨乙物同上

壬子日值滿畢星中已有水氣水氣之發動于卯辰此

必雨之應

甲午旬中無燥土田家五行

甲申雨主米暴貴春主五穀不收夏主傷田禾秋主六

畜死冬主人多病 方言云甲申猶自可乙酉怕殺人又
壬子雨則久陰

久雨不晴且看丙丁四家五行
久晴視戊己久雨視丙子

諺云逢庚必變逢戊必晴久晴逢戊雨久雨望庚晴
又云戊午元同甲子期始終七日最稀奇七日多晴兩
月燥七日多雨兩月泥

方良丁酉日以遠志着巾角中能療忘

二十八宿分占

角日晴夜雨 亢風起 箕斗牛女微雨 虛危風起
夜晴 室壁多雨 奎婁晴 胃雨 昂畢晴 紫參

卷一總占

辛

風井風鬼陰柳星雲起張翼熱軫日陰夜
雨以上春季占

角亢晴氐房心尾雨箕斗牛女晴虛危室壁半
晴奎婁胃雨昂畢晴觜參井微雨危柳大雨
餘皆晴以上夏季占

角亢大雨氐房心尾箕斗牛女微雨虛危室壁晴
奎婁胃昂雨畢觜參井半陰半雨鬼柳陰雲
星張翼軫晴以上秋季占

角亢晴氐房心尾雨箕斗牛女暖虛危室壁陰
奎大雨奎胃昂畢觜俱半晴參井有雨或陰鬼
柳心張晴翼軫陰凍以上冬季占

補遺

日

日暈則雨諺云月暈主風日暈主雨農政全書下同
日腳占晴雨諺云朝又天暮又天主晴反此則雨同上
日外有雲障中起主晴諺云日頭楚雲障晒殺老和尚
諺云烏雲接日明朝不如今日又云日落雲沒不雨定
寒又云日落雲裏走雨在半夜後此言一象烏雲漸起
而日正落其中者

諺云日落烏雲半夜桴明朝晒得背皮焦此言半天无
有黑雲日落雲外其雲夜必開散明必甚晴也同上
月

凡孟月七日仲月八日季月九日之夜皆當月暈暈而不已其下三日內有暴風甚雨玉厯璇璣下同

月初生色黑有水月滿色赤為旱又月初生而偃有水月始生有黑雲貫月名曰繖云不出三日暴雨

每月朔一日管上旬二日管中旬三日管下旬月色青黑潤明是旬有雨若黃赤乾枯則旬中無雨雜占

候月初雨多少八月一日二日三日月色赤黃者其月少雨月色青者其月多雨師曠占

月盡無雨則來月初必有風雨諺云廿五廿六若無雨初三初四莫行船農政全書下同

廿五日謂之月交日有雨主久陰

史

廿七廿八交月雨初二初三勿背晴
俗云月而仰水漸長月而昃水無滴七修類稿

星

後漢書郎顗傳石氏經曰歲星出左有年出右無年
孝經援神契歲星守心年穀豐

宋書天文志歲星色光明潤君壽民富又主福主大司
農主五穀

風

大抵風自日內起者必善夜起者必毒日內息者必和
夜半息者必大凍農政全書

太平瑞應五日一風十日一雨論衡

卷一補遺

主

諺云風急雨落入急客作農政全書

春南夏北有風必雨

語云東南風跳擲三日退一尺

天氣濕熱鬱蒸主有風古語云熱極則生風

青龍風急大雨將來朱雀風回烈日晴燥白虎風生必

有雨霧元武風急雨水相隨寅卯時為青龍巳午時為

朱雀申酉時為白虎亥子時為元武隨方起風應乎雨

晴陶朱公書

常以十月朔日占春糴貴賤風從東來春賤逆此者貴

以四月朔占秋糴風從南來秋來者秋皆賤逆此者貴

以正月朔占夏糴風從南來東來者皆賤逆此者貴

曠師

占

雲

凡候雨以晦朔弦望雲漢四塞者皆當雨如斗牛羣當
暴雨有異雲如水牛不三日大雨黑雲如羣羊奔如飛
鳥五日必雨雲如浮船皆雨北斗獨有雲不五日大雨
四望青白雲名曰天寒之雲雨微蒼黑雲細如杼軸蔽
日月五日必雨雲如兩人提鼓持桴者皆為暴雨候飛
朝看東南有雲氣隨太陽上下不遠者此雲在日初出
應己午時己午時隨太陽則應未申時未申時隨太陽
則應酉戌時有雷雨陶朱公書
雲上風雖開下風不散主雨農政全書下同

諺云上風皇下風墜無蓑衣莫出外凡雨陣自西北起者必雲黑如潑墨又必起作眉梁陣王先大風而後雨終易晴

天河中有黑雲生謂之河作堰又謂之黑豬渡河黑雲對起一路相接亘天謂之雨作橋雨下濶則又謂之合羅陣皆主大雨立至少頃必作滿天陣名通界雨言廣潤普徧也若是天陰之際或作或止忽有雨作橋則必有挂帆兩腳又是雨腳將斷之兆也不可一例而取候雨法有黑雲如一疋布于日中即日大雨二匹為三日雨三匹為三日雨

京房風角要訣

六甲日雲四合皆當日雨雲多雨多雲少雨少又六甲

無雲一句少雨 京房占

拂曉看南方黑雲最高謂之雷信明日巳午時至中天而止應未申時 陶朱公書

雷

雪中有雷主陰雨百日方晴 農政全書

雨

天下太平夜雨日晴言不妨農也 田家雜占

太平之時十日一雨凡歲三十六雨此休徵時若之應 京房易候

自正月至五月五朔皆有大雨主人饑蝗起 田家雜占
上旬交月雨謂朔月之雨也主月內多雨 吳下田家志

江淮俗驗每月初二十六日雨則月內多雨 雜占

二十七日最宜晴諺云交月無過廿七晴月盡無雨則來月初必有風雨田家五行

晏雨不晴農政全書下同

諺云上牽晝下牽齋下晝雨噤噤

諺云雨落怕天亮言天明時忽雨此日可晴若久雨正當昏黑忽然明亮反是雨候也

諺云快雨快晴道德經云飄風不終朝驟雨不終日

凡久雨至午少止謂之道晝在正午遣或可晴午前遣則午後雨不可勝

齋前風晝後雨並言難止

霜

毛頭霜主明日風雨農政全書

霧

凡重霧三日主有風諺云三朝霧露起西風若無風必主雨又云霧露不收即是雨農政全書

山

山雲蒸柱礎潤地氣濕皆將雨之候淮南子

水

諺云大水無過一週時言天道久雨山澤發洪大水橫流江河陡漲之易也農政全書下同

諺云大旱不過週時雨大水無非百日晴言天道須是

久晴則水方能退也故論潮者云晴乾無大汛合而言之可見水漲之易退之難也如此

冰後水長名長水冰主來年水冰後水退名退水冰主旱若冰堅可履亦主水

凡東南風退水西北反爾此理蓋只是吳中太湖東南之常事初冬大西北風湖水泛起吳江人家皆浸水中風息復平謂之翻湖水纔是南風連吹半月十日便可退水三二尺又不還漲

火

竈突發烟平遠望之亭亭直上晴之候也蜿蜒而起如欲上而不得者雨徵也

晚間燈草草點燒如燒轉得速主來日大晴緩亦主晴
若點上即息或略轉即滅皆主陰雨家寶初集

木

木冰者雨及木而凝冰諺云木稼也洪範五行傳謂之
木斤主兵甲范氏謂之木介介甲也亦兵甲之象類彙
又諺云木生稼達官怕同上

草

五穀草占稻色草有五穗近本莖為早色腰末為晚禾
隨其穗之美惡以斷豐歉未必極驗但其草每年根根
相似農政全書下同

看窠草一名干戈謂其有刺故也蘆葦之屬叢生於地

夏月暴熱之時忽自枯死主有水謗云頭芒生子沒殺
二芒二芒生子早殺三芒同上

禽

俗候鳥飛翅重天將雨酉陽雜俎

青

赤老鵝含水叫早主雨多人辛苦叫晏晴多人安閒農
作次第農政全書下同

夜間聽九道遙鳥叫卜風雨諺云一聲風二聲雨三聲
四聲斷風雨

鵲噪早報晴名曰乾鵲

冬寒天雀羣飛翅聲重必有雨雪

鬼車鳥北人呼為九頭蟲夜聽其聲出入以卜晴雨自

北而南謂之出窠主雨自南而北謂之歸窠主晴故詩云月黑夜深聞鬼車

鷄叫諺云朝鷄晴暮鷄雨

燕巢做不乾淨主田內草多

喫井水禽也在夏至前叫主旱諺云夏前喫井叫有車

個恰喫無車個嘯當作笑

鵜鵠一名淘河鵠鵠之屬其狀異常每來必主大水元

至正庚寅五月十八日方梅水漲忽見此怪數十自西

而東眾謂沒田先兆一老農云不妨夏至前來曰犁湖

至後曰犁途以其嘴之形狀相似湖言水深途言水淺

今至後八日此後雨脚漸水退矣雖然疑信不決後果

天晴高下皆得成熟若此至前至後便分禍福兩端可謂奇驗占候者慎之

獸

猫兒喫草主雨農政全書下同
鐵鼠其臭可惡白日銜尾成行而出主雨
絲毛狗褪毛不盡主梅水未止

鱗介

龍下便雨主晴凡見黑龍下主無雨縱有亦不多白龍
下雨必多水鄉諺云黑龍護世界白龍讓世界
龍下頻主旱諺云多龍多旱
龍陣雨始自何一路只多行此路無處絕無諺云龍行

熟路

凡鯉鯽魚在四五月間得暴漲必散子散不盡水未止
盛散水勢必定夏至前後得黃鱮魚甚散子時雨必止
雖散不甚水終未定最緊

車溝內魚來攻水逆上得鮎主晴得鯉主水諺云鮎乾
鯉濕又云鯽魚主水鱮魚主晴

黑鯉魚脊翼長接其尾主旱

漁者網得死鯽謂之水惡故魚著網即死也口開主水
立至易過口閉來遶水旱不定

蛇蟲

水蛇蟠在蘆葦高處主水高若干漲若干回頭望下水

即至望上稍漫

石蛤蝦蟆之屬叫得響亮成通主晴諺云杜蛤叫三通不用問冢公言報晚晴有準也

田鷄噴水叫主雨

黃梅三時內蝦蟆尿曲有雨大曲大雨小曲小雨

二蟄初出變化得多主水

干支

俗諺云逢庚巽變遇甲即晴蓋遇庚於雙日則變遇甲於雙日則晴多驗浩然齊抄

凡遇戊午己未日天必變雨遇亢壁二宿值日則免公眉筆記